

պէտք եղած տեղ խոհական առատաձեռնութեամբ գործածած:

Հայապատում լեհախօս հեղինակք, նախ Նէմ-  
ցելիշ և ապա Հ. Պարոնշ կը վկայեն, որ անուա-  
նի հայ վաճառականն Կոստանդին, մեծագումար  
գրամով օգնութեան հասած է Լեհաց Աւգոստոս-  
Սիգիզմունդ թագաւորին. նոյնպէս Պոկտան Տօ-  
նաւագովիշ՝ Սիգիզմունդ Գի. և նորա թոռն Դո-  
մինիկոս Պոկտանովիշ՝ Իլվովի հարուստ բնակչաց  
մին եղած է, և 1707ին վախճանելով 250,000  
զլօթի աւթողութեամբ կալուածներ թողած ժա-  
ռանդաց: Բեռնարդովիշ Խրիսթօֆ-Աւետիք հա-  
րստութեամբ գերազանցած է քան զամենեւին,  
Վլադիսլաւ Դ. երբ 100,000 ոսկի (չեւվոնեց) փոխ  
կը խնդրէ: Աւետիք կը հարցնէ՝ թէ ո՞ր տեսակ,  
ոսկի, արծաթի թէ պղնձի գրամով կամենայ ստա-  
նալ: Արքայն տարակուսելով, կամ լաւ ևս՝ փոր-  
ձել ուզելով, - Երեք տեսակովն ևս, կ'ասէ: Բեռ-  
նարդովիշ իսկոյն կը կատարէ Վլադիսլաւ Դի. կամ-  
քը: Այս գիպուածէս ետեւ արքայն մեծ յարգու-  
թեան ցոյցեր կու տայ առ հասարակ Հայոց, և  
Բեռնարդովչեանց տունը իջևան կը դառնայ ար-  
քայից: Թէպէտ և ժիշ դարու՝ առանձնականի  
քով այդպիսի մեծ գումար գտնուիլը առասպել  
երևի, սակայն պատմութիւնն յայտնի կը վկայէ:  
1677ին Նիկոլայ անունով հայազգին 500,000 զլօթի  
և այլ անշարժ կալուածներ կը թողու աշխարհին

4. Զլօթի լեհաց դրամ է, որ այժմ կը համապատասխանէ  
60 հարիւրէի: